

UMS komited perluas modal intelek kekalkan sumber marin

KOTA KINABALU: Universiti Malaysia Sabah (UMS) komited dalam memperluas modal inteleknya bagi membantu memastikan kelestarian sumber marin untuk menyokong pembangunan ekonomi di negeri ini.

Naib Canselor UMS, Datuk Seri Panglima Dr Kamaruzaman Ampon, berkata universiti itu berusaha sedaya upaya untuk mengenal pasti cara-cara menggunakan modal inteleknya bagi mengatasi masalah dunia sebenar.

“Dalam hubungan ini, akuakultur dan perikanan menawarkan peluang penggunaan langsung,

dalam memenuhi keperluan masyarakat,” katanya dalam ucapannya pada Seminar Tahunan Sains Marin dan Akuakultur di kampus utama UMS di Likas, dekat sini, kelmarin.

Kamaruzaman berkata UMS telah membuat pelaburan besar dalam prasarana akademiknya dan komited sepenuhnya untuk meneruskan dan mengekalkan kualiti usaha saintifik.

Justeru itu, katanya, penting bagi pusat-pusat kecemerlangan seperti Institut Penyelidikan Marin Borneo, menjalankan lebih banyak penyelidikan bagi tujuan pasaran, terutamanya sumber-sumber marin. - Bernama